



Pou Piblikasyon Imedya: 25/08/2023

GOUVÈNÈ KATHY HOCHUL

**GOUVÈNÈ HOCHUL PWOLONJE DEKRÈ EGZEKITIF KI DEKLARE ETA DIJANS
POU KRIZ MOUN K AP CHÈCHE AZIL LA**

Yon kopi Dekrè Egzekitif la disponib [jisit la](#).

Gouvènè Kathy Hochul te pwolonje jodi a yon Dekrè Egzekitif ki bay Eta New York plis fleksibilite pou jwenn resous ki nesesè pou minisipalite yo pou sipòte moun k ap chèche azil yo epi ba yo èd imanité. Dekrè Egzekitif sa a swiv [diskou piblik](#) Gouvènè Hochul bay Nouyòkè yo sou kriz moun k ap chèche azil la.

"Eta New York kontinye deplwaye resous enpòtan pou sipòte efò Vil la ap fè pou abrite moun k ap chèche azil yo ki te rive isit la pou chèche yon lavi miyò", **Gouvènè Hochul te deklare.** "Dekrè Egzekitif sa a pèmèt nou kontinye repons solid nou an nan kriz san parèy sa a pandan n ap travay pou bay moun sa yoabri ak èd imanité."

Dekrè Egzekitif 28.4 la kontinye pèmèt Eta a ak lokalite yo reponn rapidman ak arive moun k ap chèche azil yo. Li kontinye pèmèt Eta mobilize manm Gad Nasyonal la, ki kounye a bay sipò lojistik ak operasyonèl nan sitabri yo. Li pral pèmèt Eta a ak lokalite yo achte byen vit pwovizyon ak resous ki nesesè yo, tankou manje ak ekipman. Dekrè Egzekitif la nesesè pou repons kontinyèl Eta New York la nan kriz imanité san parèy la epi li bay Eta a kapasite pou yon repons ki pi solid.

Nan kòmansman semèn sa a, Gouvènè Hochul te anonse tou yon investisman 20 milyon dola pou ede akselere pwosesis depo dosye pou plis pase 30,000 moun k ap chèche azil. Investisman sa a bati sou 1.5 milya dola Eta a te deja angaje pou sipòte Vil Nouyòk lè l bay finansman pou swen sante, depans pouabri, pèsonèl Gad Nasyonal, sèvis legal, ak pwogram demenajman volontè. Eta a te prete tou sit Vil New York yo pou itilize kòmabri tanporè ki kounye a loje plis pase 2,000 moun k ap chèche azil chak jou. Gouvènè a te fè tou yon [diskou piblik](#) dirèkteman bay Nouyòkè yo ki te esplike chemen Eta a atravè kriz imanité san parèy sa a.

Anplis de sa, Gouvènè Hochul te anonse yon pwogram ki pral elaji anpil kapasite Eta a pou ede moun k ap chèche azil yo rapidman jwenn travay legal. Gouvènè Hochul te mande Depatman Travay (Department of Labor, DOL) Eta New York la pou ede konekte moun k ap chèche azil yo ak opòtinite travay pou yo ka kòmansè travay imedyatman apre yo fin jwenn otorizasyon federal pou travay. Tout moun k ap chèche

azil ki gen otorizasyon pou travay nan New York ka enskri kounye a pou asistans [isit la](#). Ekspè karyè DOL yo pral travay ak moun yo pou evalye konpetans, istwa travay, edikasyon, enterè karyè ak plis ankò, epi konekte yo ak anplwayè yo atravè Eta a. Anplis de sa, Depatman Travay Eta New York te lanse [yon pòtay](#) ki pèmèt biznis yo enfòme Eta a ke yo ta akeyi moun ki fèk otorize nan mendèv pa yo.

###

Lòt nouvell disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)